



**KEMENTERIAN KESIHATAN MALAYSIA  
BAHAGIAN PERKEMBANGAN PERUBATAN  
ARAS 4-7, BLOK E1, PRESINT 1  
PUSAT PENTADBIRAN KERAJAAN PERSEKUTUAN  
62590 PUTRAJAYA, MALAYSIA**

**☎ : + 6 03-8883 1400  
☎ : + 6 03-8883 1406**

*Ruj. Kami : KKM.600-27/21/4 (32)*

*Tarikh : 18 Ogos 2016*

Pengarah Kesihatan Negeri  
Jabatan Kesihatan Negeri \_\_\_\_\_

Pengarah  
Hospital Kuala Lumpur

Pengarah  
Institut Kanser Negara

YBhg Datuk/Dato'/Datin/Tuan/Puan,

**DISCAJ PESAKIT MENTAL DI HOSPITAL-HOSPITAL KEMENTERIAN KESIHATAN  
MALAYSIA YANG DIBENARKAN 'HOME LEAVE' DAN 'LEAVE OF ABSENCE'**

Dengan segala hormatnya perkara diatas adalah dirujuk.

2. Adalah makluman dari penemuan hasil analisa data Sistem Casemix bagi tahun 2014, mendapati bahawa, secara purata, pesakit mental tinggal di hospital (average length of stay, ALOS) melebihi 90 hari. Perkara ini terjadi disebabkan situasi dimana pesakit yang dibenarkan 'home leave', yang mana status mereka masih lagi dikira sebagai pesakit dalam (in-patient); tidak dikira sebagai discaj dari hospital.

3. Adalah juga dimaklumkan bahawa, Mesyuarat Jawatankuasa Teknikal Sistem Casemix, Bil. 1/2016, diadakan pada 30 Jun 2016, yang dipengerusikan oleh Y Bhg Dato' Pengarah Bahagian Perkembangan Perubatan, mewakili, Y Bhg Datuk Timbalan Pengarah Kesihatan (Perubatan), telah menjemput Dr Toh Chin Lee, selaku Ketua Perkhidmatan Kebangsaan Psikiatri, Malaysia, untuk memberikan penjelasan serta pandangan beliau mengenai perkara ini.

4. Dr Toh Chin Lee menjelaskan bahawa, Seksyen 17, Akta Pesakit Mental, 'home leave' atau 'leave of absence'; membenarkan pesakit mental pulang kerumah bagi tempoh 2 bulan. Walau bagaimanapun, pesakit tidak semestinya diberikan kebenaran pulang ke rumah secara



CERTIFIED TO ISO 9001:2008  
CERT. NO. : AR 4702



CERTIFIED TO ISO 9001:2008  
CERT. NO. : AR 4702



CERTIFIED TO ISO 9001:2008  
CERT. NO. : AR 4702

berterusan. Kebenaran 'home leave' atau 'leave of absence' boleh diberi secara mingguan. Tujuan kebenaran ini adalah untuk penerimaan ahli keluarga pesakit dan komuniti terhadap sipesakit. Ini juga merupakan satu kaedah rawatan pemulihan dalam komuniti.

5. Hasil daripada perbincangan, mesyuarat bersetuju dengan ketetapan-ketetapan berikut:

5.1 Pesakit mental yang diberikan 'home leave' atau 'leave of absence' perlu didiscaj daripada hospital melalui proses discaj yang biasa. Ini bagi memastikan kiraan anggaran purata masa tinggal di wad adalah benar dan tepat.

5.2 Sekiranya pesakit yang telah didiscaj dan didapati bertindak agresif dalam tempoh yang dibenarkan, hospital hendaklah menyediakan laluan pantas (fast track) khusus untuk pesakit ini untuk dimasukkan semula ke wad yang berkenaan; tanpa melalui proses pendaftaran biasa di Jabatan Kecemasan.

5.3 Kes pesakit mental baru, hendaklah didaftarkan secara pendaftaran biasa; tidak menggunakan laluan pantas ini.

5.4 Keputusan ini tidak melibatkan Institusi Perubatan Khas.

6. Sehubungan itu, YBhg Datuk/Dato'/Datin/Tuan/Puan adalah diminta untuk memanjangkan keputusan dan ketetapan yang telah dipersetujui ini kepada semua hospital dibawah jagaan dan memastikan arahan pelaksanaannya dipatuhi.

7. Jika terdapat sebarang pertanyaan mengenai perkara diatas, sila hubungi Dr Rusilawati Jaudin, Ketua Penolong Pengarah (Kanan), Unit Perkhidmatan Pengurusan Hospital di talian 03 8883 1400 atau emel rusilawati@moh.gov.my.

Segala kerjasama yang diberikan oleh YBhg Datuk/Dato'/Datin/Tuan/Puan amatlah dihargai dan diucapkan terima kasih.

Sekian.

**"BERKHIDMAT UNTUK NEGARA"**

Saya yang menurut perintah,



**(DATUK DR JEYAINDRAN A/L TAN SRI SINNADURAI)**

Timbalan Ketua Pengarah Kesihatan(Perubatan)

Kementerian Kesihatan Malaysia

s.k.

- Ketua Pengarah Kesihatan Malaysia
- Timbalan Ketua Pengarah Kesihatan (P&ST)
- Pengarah  
Bahagian Perancang
- Pengarah  
Bahagian Perkembangan Perubatan
- Timbalan Pengarah  
Bahagian Perkembangan Perubatan
- Dr Toh Chin Lee  
Ketua Jabatan Psikiatrik  
Hospital Selayang  
Merangkap Ketua Perkhidmatan Kebangsaan Psikiatri
- Ketua Penolong Pengarah Kanan  
Unit Perkhidmatan Pengurusan Hospital (Sub-Unit ICT)  
Bahagian Perkembangan Perubatan
- Timbalan Pengarah  
Pusat Informatik Kesihatan  
Bahagian Perancang